

ԽԱՉԱՏՈՐ ԱՐՈՎՅԱՆԸ ԵՎ ՆՐԱ ԱՎԱՆԴՆԵՐԸ

Ժողովուրդների հոգևոր մերձեցմանը մեր օրերում, ըստ ամենայնի, նպաստում են մշակութային արժեքները՝ գրականություն, երաժշտություն և արվեստի այլևայլ բնագավառների անկրկնելի ու անմահ հուշարձանները, որոնք մարդկության գեղագիտական պահանջմունքները բավարարող հանապազօրյա հաց են ոչ միայն ներկայի, այլև գալիքի համար:

Դյուրությամբ պատռելով ազգային սահմանները, նրանք ազատորեն թեփածո են ողջ աշխարհում, խանդավառում և ազնիվ գործերի ու խոհերի տրամադրում շատերին: Արդեն չի էլ կարելի պատկերացնել որևէ քաղաքակիրթ ազգ, որը որոշակի ներդրում չունենա համընդհանուր մշակույթի գանձարանը, իր հոգու և մտքի, աշխարհըմբռնումների ու բաղձանքների հարազատ դրսևորումներով չկարողանա հուզել մարդկությանը, անկախ նրանից, թե աշխարհագրական ո՞ր գոտում և ազգագրական ո՞ր միջավայրում են ծնարձակել տվյալ խոհերն ու երազանքները:

Կրականության և արվեստի մեծ ու անմահ վարպետներից շատերը նաև հումանիստ մտածողներ ու անձնուրաց հայրենասերներ են, ազգերի ու ժողովուրդների քաղաքական աղատագրության, բարոյական ազնվացման և հոգևոր մերձեցման ջատագովներ: Խաչատուր Աբովյանը և նրա գրական ժառանգությունը արդեն երկրորդ հարյուրամյակն է, որ նման վեհ նպատակների են ծառայում:

Մեր ժողովրդի հերոսական ու ողբերգական պատմության շրջադարձային ժամանակների ծնունդն է Խաչատուր Աբովյանը՝ հայության պատմական կյանքի ու քաղաքական որոնումների արտահայտիչը, բանաստեղծական անկեղծ ու սրտաբուխ խոսքի չգերազանցված վարպետը, համազգային ուսուցիչներից ու դաստիարակներից ամենաանձնվերներից մեկը, գրական նորարարը և հումանիստ մտածողը, նոր շրջանի քերթության ու մանկավարժության հիմնադիրը, ժողովուրդների հոգևոր մերձեցման ու վերածնության խանդավառ ջատագովը, Հայաստանի նոր պատմության մեջ ուսական տերության խաղացած բախտորոշ դերի հետևողական արժարժողն իր գեղարվեստական երկերի մեջ և հանրային ու մանկավարժական ամենօրյա գործունեության ընթացքում:

Աբովյանը մեծ հայրենասեր էր, մշտապես հայության բախտով ու ապագայով մահահոգված, որի խոհերն ու երազանքները շարունակ դառնում էին օտար, բարբարոսական լծից իր ազգակիցների փրկության, Ռուս տերության հռվանու տակ նրանց համախմբելու և դարերով կորցրած պետականությունը վերականգնելու շուրջ: «Ծն չունեմ այլ նպատակ: Բայց եթե՝ ապրել ու գործել հայրենիքիս մեջ, մեռնել հայրենիքիս համար և իմ նվազ շունչը, իբրև խունկ, ծխել նախահայրերիս աճյունների առջև», — գրել ու հայտարարել է նա բազում անգամներ:

Հայ և համաշխարհային մշակույթի պատմության մեջ, ընդհանրապես, ասկավաթիվ են այն գրողներն ու արվեստագետները, որոնց հայրենաբաղձ զգացումներն ու փայփայած իդեալները, սիրտն ու հոգին այնպես ցայտունորեն գրսևորված լինելի իրենց ստեղծագործությունների մեջ, իսկ ապրած կյանքն ու այլազան առնչություններն էլ նույնպիսի վարակիչ անմիջականություն ու գրավչություն ունենային, ինչպես իրենց իսկ թողած գրքերը, ստեղծած հերոսները և հյուսած ասքերը:

Աբովյանն այս վերջին կարգի գրողներից է: Նրա խռովահույզ կյանքը ևս

հետևորդներին նույնպիսի հայրենափրկիչ խոհերի է տրամադրում, ինչպես «Վերք Հայաստանի» վեպն ու մյուս երկերը:

Վերհիշենք ամենասեղմ ձևով նրա կյանքի գլխավոր անցքերը: Արուվյանը ծնվել է 1809 թվականի հոկտեմբերի կեսերին, ավանդապահ ու հռչակավոր, սակայն տնտեսական հզորությունը կորցրած՝ գյուղական գերդաստանում: Մանկությունն անցել է պարսից տիրապետության շրջանում, և նա ճաշակել է վերջինիս բերած սարսափները: Մոռողների կամքով՝ փոքրուց նվիրաբերվել է էջմիածնի վանքին՝ հոգևոր կոչման նախապատրաստվելու համար, ուր տառապել է հարազատների ու հայրենի հարկի կարոտից, արեղավարժապետների անհոգի դասատվությունից ու դստանություններից: Առաջիններից մեկը հայ իրականության մեջ՝ ինչպես Արուվյանը ողջունել, իսկ զեղարվեստական ստեղծագործությունների մեջ ներթողել է Արևելյան Հայաստանի միացումը Ռուսաստանին, բնութագրելով այն «մեր կենաց փրկության առավոտ»: Հետո բախտն Արուվյանին հանդիպեցրեց հայ ժողովրդի անկաշառ բարեկամ, հումանիստ մտածող և գիտնական-մանկավարժ, Դորպատի համալսարանի պրոֆեսոր Ֆրիդրիխ Պարրոտին. առ ոչինչ համարելով սնապաշտական արգելքները և պատռելով լեգենդների դարավոր մշուշը՝ նրանք համաշխարհային լեռնագնացության պատմության մեջ առաջինը բարձրացան բիրիակյան Արարատի գագաթը: Այսօրինակ «սրբապղծության» համար Արուվյանը հալածվել ու նրկվել է ամբողջ կյանքում: Փոխվում է այնուհետև Արուվյանի կյանքի ընթացքը: Հեռանալով հայրենիքից՝ նա կրթվում ու դաստիարակվում է Մերձբայթյան Դորպատի համալսարանում, հետո, վերադառնալով Հայաստան՝ հրաժարվում է հոգևոր կոչումից և մինչև մահ գործում Անդրկովկասի կրթական մարզերում՝ ուսուցչություն անելով Թիֆլիսի և Երևանի զավառական դպրոցներում և իր իսկ հիմնադրած ուսումնարանում, որի նպատակը ժողովրդական դպրոցներին համար ուսուցիչներ ու զաղափարակիցներ պատրաստելն էր: Հայ ու հարևան ժողովուրդներին՝ վրացի ու ադրբեջանցի մանուկներին կրթությունն ու դաստիարակությունը նրան գերագույն բավականություն էին պատճառում: Հայրենի Խաղաղամեծներից և ցարական պաշտոնությունից կրած հալածանքներին հիմա էլ վերջ չկար: Արուվյանը տառապում էր նաև ընտանեկան հարկի տակ ստեղծված դժոխքից... 38 տարին լրացած՝ նա անհայտացավ խորհրդավոր հանգամանքներում, 1848 թ. ապրիլի 2-ին: Վերջին պարագան ծնունդ է տվել բազմաթիվ լեգենդների: Մանավանդ որ նրա կյանքի՝ թվածս անցքերից շատերն, ինքնըստինքյան, կարծես, զարմանահրաշ վիպասքներ լինեն, որոնք ընթերցողներին և ունկնդիրներին հափշտակելով գլխավոր հերոսի (այսինքն՝ Արուվյանի) անսովոր անհատականությամբ ու ողբերգական ճակատագրով՝ տրամադրում են մարդասիրական ու հայրենասիրական ազնիվ խոհերի ու խիզախումների:

Ապրելով ծանր ու դժվարին ժամանակներում՝ քաղաքական ստրկության, տնտեսական թշվառության և հոգևոր խավարի պայմաններում, երբ խաթարված էր ազգության քաղաքական ու մշակութային կյանքը, և հայ հայրենիքը բաժան-բաժան էր դարձել հարևան հզոր ու թշնամական տերությունների միջև, որոնք ամեն կերպ խանգարում էին Հայաստանի վերամիավորմանն ու վերածնդին, Արուվյանը մինչև վերջին շունչը մարտնչեց ընդդեմ ներքին հետադեմ ուժերի և օտար բարբարոսական լծի՝ հանուն ազգային համախմբման ու հոգևոր վերածնության:

Հայրենիքի ու ազգային ավանդների պաշտպանության մասին ժամանակակիցներին ու հետնորդներին ուղղված նրա պատգամները սուրբ են ու նվիրական նաև այսօր:

Օրհնեցե՛ք ուսման և մտաբեր Հայաստան, համախմբվեցե՛ք, միմյանց սիրեցե՛ք և օգնեցե՛ք, — ավանդել է Արուվյանը, և մենք հավատում ու լսում ենք նրան: «Շունչդ տո՛ւր, հոգի՛դ, բա՛յց քո հայրենիք մի՛ տա՛ր թշնամյաց...», — պատգամել է նա, ապա նաև՝ խոսքն ուղղելով հետևորդներին, աղերսել ու հորդորել՝ երբեք չմոռանալ և ընդմիշտ գործել հանուն հայ հայրենիքի շահերի:

«Ի՞նչ ազգասիրութիւնն ու հայրենասիրութիւնը ձեզ վնաս տա, անիծեցե՛ք ի՞նձ, թե օգուտ՝ օրհնեցե՛ք ու լսեցե՛ք», — և մենք օրհնում ենք նրա հիշատակը ու լսում:

Շուրջ 25-ամյա ստեղծագործական կյանքի ընթացքում Արժւանի ստեղծած քնարական ու հայրենասիրական երկերի ու խորհրդածութիւնների նյութն ու քննութեան առարկան Հայաստանի ապագայի և ազգութեան ճակատագրի հարցերն էին, միջնադարյան մտածողութեան և օտար բռնապետական լծի տակ ճնշված, շարունակ ձուլման ու ոչնչացման վտանգի առաջ կանգնած երկրի ու մողովորի տառապանքներն ու տենչանքները՝ ազատ կյանքի ու գոյատևման մասին: Մի դեպքում՝ հայրենիքը Արժւանի համար հեռու-հեռունեքում ընկած և մշուշով պատած անհասանելի աշխարհ է, որի սիրուց տանջվում ու տվայտում է նա, մյուս դեպքում՝ բռնութեան ու սոցիալական հարվածների տակ իտղված ու խաչված մի սուրբ էակ, որ կարիք ունի փրկութեան ու ապաքինման, գուրգուրանքի և բոլորանվեր աջակցութեան: Այս առումով՝ առանձնակի նշանակութիւն է ստանում Արժւանի ստեղծագործութեան և ողջ հայ գրականութեան գլուխգործոցներից մեկը՝ «Վերք Հայաստանի» վեպը, հայրենասիրական ու մարդասիրական զգացումների այդ անշեշ հնոցը, ազատագրական պայքարի հզոր ներշնչաբանը: «Ահա՛ ձեզ մի գովածք, որն ամբողջովին ճհողինակի արշուժով» է շաղախված, ամբողջովին բանաստեղծութիւնն ու անկեղծ ոգևորութեան արտահայտութիւնն է, որը «Սրբազան ոգևորութեամբ է լցնում կարդացողի սիրտը», — ասել է մարքսիստ-տեսաբան ու նրբաճաշակ արվեստաբան Ստեփան Շահումյանը: «Այդ աշխատութեան մեջ մարմին է առել ազգի հոգին, ազգի ներկա վիճակը, ազգի հասկացողութիւնը», — արձանագրել է հեղափոխական մտածող Միքայիլ Նալբանդյանը:

«Վերք Հայաստանին» նաև նոր ժամանակների հայոց ազգային կյանքի ու մտածողութեան հայելին է, մեր ազատագրական որոնումների ու առաջին հաղթանակների հերոսապատումը, ռուս մեծ ազգի հետ մեր բարեկամութեան ու եղբայրութեան գրական դաշնագիրը, պարսից դժոխքից հայութեան փրկութեան ու վերածննդի արդար ջատագովութիւնը, մաշտոցյան գերբով երբեք հավերժացված անկեղծ ու սրտառու խոսքը:

Աննախադեպ են Արժւանի ծառայութիւնները հայ հայրենիքին ու նրա հոգևոր մշակութիւն՝ որպէս բանաստեղծական փայլուն մտահղացումների իրագործող ու գրական նորարար, հայ նոր դպրոցի և մանկավարժութեան հիմնադիր, ականաւոր ազգագրագետ ու բանասեր, հայրենական արեւելագիտութեան նշանավոր դեմքերից մեկը: Արժւանը վերածնել ու զարգացման բարձր աստիճանի է հասցրել դարավոր հայ մշակույթի հայրենասիրական ու հումանիստական սկզբունքները, հայրենի քերթութիւնը դուրս բերել ներանձնացումից ու դոգմատիզմի փակուղուց, հարստացրել այն ժամանակի եվրոպական գրական դպրոցների գեղագիտական առաջավոր փորձով:

Արժւանի անձի ու ստեղծագործութեան համազգային նշանակութեան վերարծարծումը ամենաընդհանուր ձևով մեզ շատ հեռուն կտաներ, ուստի հիշենք նրա կարևորագույն ծառայութիւններից մեկը ևս. Արժւանն, ըստ էութեան, առաջինն է մեզանում, որ համակողմանիորեն արծարծել է ժամանակի հայ մարդու մտածողութեան և զգացումների հայտարարն հանդիսացող խոսակցական աշխարհաբարին քաղաքացիութիւն տալու և այն գրականութեան և դպրոցական ուսուցման լեզու դարձնելու խնդիրը՝ տեսական և գործնական սուղունեքով: Իր գեղարվեստական կարևոր գործերը և ուսումնական ձեռնարկները նա գրել ու կազմել է ընդհանուրին հասկանալի աշխարհաբար լեզվով, թեպետև քիչ չեն նաև գրաբարով հորինած բարձրարժեք ստեղծագործութիւնները: Նման պարտադրանքի պատճառն Արժւանի այն անխախտ համոզումն էր, ապա և՛ դարերի փորձը, որ երբ պետականութիւնը կորցրած ժողովուրդները կորցնում էին նաև միասնական լեզուն, ապա շատ-շուտով նրանց գլխին կախվում էր փոշիացման ու ոչնչացման վտանգը, մանավանդ որ նման վիճակը ձեռնառու էր միայն ու միայն օտար տիրողների համար: Հետևաբար՝ առա-

ջադրելով համազգային լեզվի խնդիրը, Աբովյանը բորբոքում էր ազգային ինքնությունության ու միասնության գաղափարը, մատնանշում հայության գոյատևման այն գլխավոր նեցուկը, առանց որի անհրեակայելի էր պետականությունը կորցրած ազգության կյանքը. «Ա՛խ, լեզուն, լեզուն. լեզու որ լըլի, մարդ ընչի՞ նման կըլի Մեկ ազգի պահողը, իրար հետ միացնողը լեզուն ա ու հավատը: Լեզուդ փոխի՛ր, հավատդ ուրացի՛ր, էլ ընչո՞վ կարես ասիլ, Թե ո՞ր ազգիցն ես», — մեկ անգամ չէ, որ ասել է Աբովյանը:

Իր լուսավորական ծրագրերով և գործունեության սլացքով՝ Աբովյանը դուրս է գալիս հայկական շրջանակներից՝ դառնալով համակովկասյան, համառուսական երևույթ: Նրա շարունակական մտորումների և հոգածության առարկան ո՛չ միայն իր ազգակիցներն էին, այլև անդրկովկասյան, նաև՝ ասիական բոլոր ժողովուրդները, վերջիններիս բախտն ու ապագան, նրանց պայքարը հանուն տնտեսական բարօրության, լուսավորության ու քաղաքակրթության, հանուն նոր ժամանակների ոգուն ու պահանջներին համապատասխանող դրույթոց, գրականություն և արվեստ ստեղծելու:

Աբովյանը հարևան ժողովուրդների կյանքից է առել իր ամենաքնարական ստեղծագործություններից մեկի՝ «Թուրքի աղբիկը» նովելի նյութը, գրել է քրդերի և եղդիների մասին պատմա-ազգագրական ուշագրավ ուսումնասիրություններ, որոնք տպագրվել են դեռ իր կենդանության օրերին, աշխարհագրական մեծ գյուտերի պատմությանը նվիրված՝ «Ամերիկյա լիս քցիլը» ակնարկը, ուր ջերմ տողեր կան Ասիայի, Աֆրիկյան մայրցամաքի և ամերիկյան բնիկների մասին, բողոքել է եվրոպական գաղութարարների կատարած սանձարձակությունների դեմ՝ այդ աշխարհամասերում:

Անդրկովկասի և, ընդհանրապես, ասիական ժողովուրդների մշակութային կյանքի տարբեր ոլորտների բարվոքման խնդիրներից բացի, Աբովյանը երկար է խորհել նաև նրանց համար խաղաղ կյանքի պայմաններ ձեռք բերելու մասին, որոնց մեջ միայն կբարգավաճեին իսկական մշակույթն ու լուսավորություններ, տնտեսական արգասավոր գործունեությունը: «Թե աստված կտա՝ մեք ասիացիք էլ քիչ-քիչ աղբքները բաց կանեն, էն ժամանակը չեն թողալ, որ ամեն հայվարա մարդ իրանց վրա բերան բաց անի», — գրել է Աբովյանը: Այս որոնումներն էլ ահա՛ նրա հայացքը դարձնում են դեպի Ռուսաստան՝ Կովկասի և Ասիայի ժողովուրդներին ոռոս մեծ ազգի հովանավորության տակ առնելու, նրա հետ հոգնպես մերձեցնելու համար: Աբովյանը երազում էր այն օրվա մասին, երբ ոռոսների օգնությամբ թուրք լծից կազատագրվեր նաև արևմտահայությունը, և կվերամիավորվեր Հայաստանը, երբ կվերաշինվեր Անին՝ հայոց վերածնության վեհ խողհրդանիշը, որին են ուղղված նրա իդեալ հերոսների հայացքն ու բաղձանքը:

1836 թ. գարնանը պատրաստելով մի ուշագրավ զեկուցագիր հայ և անդրկովկասյան ժողովուրդների տնտեսական ու մշակութային կյանքի բարելավման ուղիների վերաբերյալ, որն այնուհետև քննության է հանձնվում Ռուսաստանի պետական հաստատություններին, և անկեղծորեն իր շնորհակալությունը հայտնելով ոռոս տերությանը՝ օտար բռնապետական լծից հայությանն ազատագրելու և իր հզոր արծվի թևերի տակ առնելու համար, Աբովյանը ավելի հեռուն գնացող հարցեր է շոշափում. «Եմ անխախտ համոզումն է, — գրել է նա, — որ միայն Ռուսաստանն է ի վիճակի ասիական ժողովուրդների համար նվաճել նրանց սրտանց տենչացած երջանկությունը... Ռուսաստանի հուժկու բազուկը պետք է և կարող է իրագործել դա ու հաստատել մարդկության այս առաջին օրրանում»: Նվ սա միայն Աբովյանի համոզումն ու տենչանքը չէր, այլև նրա ամանալակիցներից շատերի: 1844 թ. ամռանը շրջագայելով իրանական ու թուրքական գավառներում և շփվելով տեղական հայ, թուրք, պարսիկ ու քուրդ ժողովուրդների հետ, Աբովյանը շարունակ լսում էր նրանցից, թե ինչ լավ կլիներ, եթե ոռոսաց ձեռքն անցնեին այդ երկրամասերը: Նրա պարզամիտ զրուցակիցները իրենց զարմանքն էին արտահայտում, որ Ռուսաստան-

նի նման մի հզոր տերութիւն հանդուրժում է իր կողքին Մակուի խանի և Բա-
յաղետի փառաշայի նման նողկալի հարստահարիչներին:

Արովյանը մեծ գրող ու հանրաճանաչ մանկավարժ էր, հռչակված ողջ Եվ-
րոպայում, բայց էութեամբ ողբերգական անհատականութիւն, սեփական ազ-
գութիւնից, իբրև ստեղծագործող, չճանաչված ու չգնահատված: Իր կենդանու-
թյան օրոք նա բախտ չունեցավ տպագրված տեսնելու մայրենի լեզվով հորի-
նած գեղարվեստական ստեղծագործութիւններից և ո՛չ մի էջ: 1830—40-ական
թվականների ռուսական և գերմանական մամուլում նա հրատարակեց մի շարք
պատմաազգագրական և ուղեգրական բնույթի հոդվածներ, իսկ հայերեն լեզ-
վով՝ գրեթե ոչինչ: «Նախաշավիղ կրթութեան» խորագրով ուսումնական ձեռ-
նարկը՝ մայրենի լեզվի ուսուցման և բարոյական կատարելագործման գաղտ-
նիքներն ամփոփող այդ հրաշք մատյանը, որի տպագրութիւնն սկսվել էր
1839 թ. սկզբներին, կիսատ մնաց և լույս աշխարհ չհասնեց, որովհետև Թիֆ-
լիսի գիմնադիայի մանկավարժական խորհուրդը՝ հենվելով հայ գրախոսների
տված բացասական կարծիքների վրա, նպատակահարմար չգտավ գրքի գոր-
ծածութիւնն երկրամասի գավառական դպրոցներում: Ինքը միջոցներ չունե-
րկերը հրատարակելու, իսկ գրականութեան նկատմամբ ազգային պաշտպա-
նութիւն և հոգատարութիւն չկար:

Արովյանի հայտնութիւնն ու համազգային ճանաչումն, իբրև գրողի ու
մեծ հայրենասերի, եկավ մահվանից հետո միայն: Նրա գրական ժառանգու-
թիւնն երկար ժամանակ մնալով անտիպ՝ աստիճանաբար սկսեց հրատարակ-
վել 1850-ական թվականից միայն, շնորհիվ նրա աշակերտների ու գաղափա-
րակիցների ջանքերի, որոնք Արովյանի գրական ավանդներն ու հայրենաստի-
րական պատգամները փոխանցեցին հայ 60-ականներին՝ բոցաշունչ հեղափո-
խական Միքայել Նալբանդյանին ու մյուսներին: Սկսվեց մեծ գրողի ու մտա-
ծողի հետմահու մասնակցութիւնը մեր ազգային կյանքին, որ շարունակվում
է նաև այսօր: Արովյանը դարձավ հայ իրականութեան ամենաժողովրդական
գրողներից ու գործիչներից, սկսեց ազդել և ուղղութիւն տալ հայոց գրական
կյանքին ու ազատագրական պայքարին: Նրա ստեղծագործութիւնը գրական
ուսումնասիրության իսկական դպրոց էր, ազատասիրութեան, մարդասիրութեան
ու հայրենասիրութեան հզոր ներշնչարան և այնուհանդերձ՝ Արովյանի իսկա-
կան հայտնութիւնն ու ժողովրդականութիւնը սովետական ժամանակների
արգասիք է: Անցյալներում հայտնի նրա բոլոր երկերը ամփոփված էին մի
գրքում՝ լույս տեսած 1897 թ.:

Սովետական Հայաստանի կառավարութեան որոշումով՝ 1947—1961 թթ.
ընթացքում ՀՍՍՀ գիտութիւնների ակադեմիան հրատարակեց Արովյանի «Եր-
կերի լիակատար ժողովածուն»՝ բաղկացած տասը սովոր հատորից: Վերջին,
ավելի քան քսան տարիներին հայտնաբերվել են Արովյանի բազմաթիւ անհատ
ու կորած ստեղծագործութիւններ, որոնք կարող են կազմել լրացուցիչ մի
քանի հատոր: Բացի այդ՝ Արովյանի զլխավոր ստեղծագործութիւնը թարգ-
մանված է ռուսերեն և Սովետական Միութեան ժողովուրդների մի շարք լեզու-
ներով: Նրա հիշատակը հավերժացնելու ուղղութեամբ կարևոր քայլեր են ար-
ված. այն տունը, որտեղ ծնվել է Արովյանը, վերածվել է թանգարանի, նրա
անունով կոչել են միջնակարգ ու բարձրագույն դպրոցներ, հիմնել նոր քա-
ղաք: Սովետահայ գիտնականները արդյունավետութեամբ հետազոտում են
Արովյանի կյանքի և ստեղծագործութեան հարցերը, նրա անձնական ու գրա-
կան անշուքիւնները հայ, ռուս և համաշխարհային գրական-մշակութային
գործիչների հետ, քննվում ու լուծվում են նրա ստեղծագործական կյանքի ու
կենսագրութեան առեղծվածները:

Արովյանի ծննդյան 175-ամյակը, որ հանդիսավորութեամբ նշվում է այս
տարի և վերածվել է մշակութային մեծ տոնի, լավագույնս կնպաստի նրա դը-
րական ժառանգութեան առավել լայն ժողովրդականացմանը, ռուս ժողովրդի
հետ հայութեան և սովետական մյուս ազգերի հոգեւոր մերձեցմանը, այն սուրբ
գործին, որի համար տքնել, որի մասին գրել ու պատգամել է Արովյանը:

«Ռուս անունը,— ասել է նա,— պետք է մեզ համար լինի նույնպես սուրբ, ինչպես և նրա արյունը, որով մենք ազատվել ենք ընդմիջս, նաև՝ այն հովանավորությունը, որի ներքո մենք բարգավաճում ենք՝ կատարելապես պաշտպանված լինելով մեր հավատքի, մեր հայրենիքի բոլոր թշնամիներից։ Աշխատենք, ըստ մեր կարողության ու հնարավորության ձեռք բերել օգտավետ գիտելիքներ, կրթել մեր միտքն ու սիրտը, ձեռք բերել ռուս լեզվի գիտությունը և բարի քաղաքացիներ լինել։ Սրանով, հենց միմիայն սրանով, քան թե մեկ այլ ճանապարհով, մենք կարող կլինենք միանալ ռուս մեծ ազգի հետ, որի անունն իսկ ներշնչում է ամենքին, մինչև իսկ օտարերկրացիներին, պատկառանք և անձնվիրություն...»։